

e si andò seguendo balotar il resto, et in ultima dil Consejo sier Marco Contarini qu. sier Zacharia el cavalier, cugnado di sier Antonio Justinian qual andava meglio di altri, con sier Francesco Contarini qu. sier Donado nepote dil ditto sier Antonio, andono dal Principe dolendosi di questo eror, et che si dovea rebalotar tutti tre di novo; unde li Consieri sier Lucha Trun, sier Daniel Renier, sier Bortolo Contarini, sier Nicolò Bernardo e sier Antonio Justinian dotor, non era sier Francesco Foscari, 178 terminono per iustitia, licet fusse l' hora tarda, e da poi il balotar di tutte le voxe. Et cussi rimase el Justinian mai più rimaso in niun locho in Gran Consejo e mancho in Pregadi, ma homo da ben e ussito di bona fameia; sichome quì soto noterò il primo et secondo balotar di Vizenza.

Et nota. Sier Andrea Dandolo è di Pregadi per danari qu. sier Alvixe, et sier Vicenzo Grimani fo camerlengo di comun di sier Francesco, e sier Nicolò da Ponte el dotor è ai X Savii che leze in philosophia, haveano una extremità che i toleva a Vizenza; tamen i non fono nominati, e cussi va la sorte.

Electo capitano a Vizenza.

Sier Antonio Justinian, qu. sier Francesco el cavalier	789.798
Sier Antonio da cha' da Pexaro fo camerlengo di Comun, qu. sier Alvixe	781.814
Sier Marco Antonio Bernardo, fo proveditor al flischo, qu. sier Antonio dotor cavalier	699.893
Sier Zuan Ferro fo proveditor sora i officii, qu. sier Antonio	601.997

Iterum rebotolati 3 soli.

† Sier Antonio Justinian	821.750
Sier Antonio da cha' da Pexaro	676.941
Sier Marco Antonio Bernardo	610.974

Fu prima posto per li Consieri una gratia di uno nominato qual si vol apresentar, condannato absente, et fu presa. Ave:

Di campo, fo letere da Martinengo dil Proveditor Emo, di 25, hore 4. Come erano zonti in campo di francesi sguizari 800, et venivano il resto fin 3000. Item, che francesi che erano retrati di Arona, par volevano tornar per haverla al tutto, perchè ivi erano milanesi ducheschi con il suo aver.

Di Zara fo letere, di sier Francesco Arimondo conte, e sier Zuan Moro capitano, di di l' instante, et in consonantia du Sibinicho. Come turchi haveano hauto uno castello chiamato Ostroviza, qual era dil conte Zuane, perochè uno nominato Damian à menà la pratica col Turcho et à introduto turchi dentro et l' hanno hauto.

Fo balotà mandar a Zara 50 barileti di polvere.

In questo zorno, essendo Gran Consejo suso, introe et vene a disarmar sier Polo Zustignan sora-comito, et portò *letere da Liesna di sier Zuan Vituri proveditor di l' armada, di di questo.* Zercha danari et biscoti; nulla da conto.

Noto. In le letere di l' Orator nostro a Roma 179 di 21, è questo aviso, oltra quello ho scripto di sopra. Come era zonto li il Petruzi di Siena; et che 'l Papa mandava altri 100 homini d' arme in campo, sichè al tutto vol il ducha di Milan resti in Stado; ma che bisognava conzar in li capitoli di la liga fe' papa Adriano, queste parole: *etiam pro conservatione Italiae.* Et li havia dito haver mandato a Milan per la sua portione ducati 20 milia, et fiorentini manderiano la sua parte; et per questo havia significà al signor Alberto di Carpi si levasse di speranza di averlo a le sue voglie; nè vol francesi habbino stado in Italia; ma ben voleva far le trieve. Ma francesi voriano far le trieve tenendo quello hanno al presente in la ducea de Milan. Il Papa voria li exerciti si unisseno et atender a cazar francesi de Italia. Et che a di 16 morite il cardinal San Zorzi. Et Paulo Vitorio havia mandato a Milan, qual haverà danari da li Strozi per il Papa. Item, il Papa havia ditto a li cardinali francesi sono li, che 'l non vol francesi in Italia; quali li haveano ditto che 'l re Christianissimo contenteria di far le trieve e remeter il tutto in soa Beatitudine.

In questo Consejo vidi sier Zuan Emo qu. sier 180^u Zorzi cavalier procurator, qual poi è stà asolto di l' exilio per il Consejo di X per danari, parte donati et parte prestati numero 8000, non è più stato.

Fo in la Scuola di san Zuane Evanzelista, dicendosi vespero, gran rumor di arme, et fo amazato uno zovene chiamato sier Lauro da Canal qu. sier Zuan Alvixe da uno sier Piero Trivixan di sier Vido Antonio et sier Mannolessa qu. sier et cussi morite a di 30 ditto.

A di 28. La matina non fo nulla da conto, et

(1) La carta 179 è bianca